



Universitätsbibliothek Paderborn

Metropolis Salisvrgensis

Continens Fvndationes Et Erectiones Monasteriorvm, Et Ecclesiarum
Collegiatarum, &c. per Boiarium, ac loca quædam vicina

Hund, Wiguleus

Monachii, 1620

Priuilegium Dni. Innocentij Papae III.

urn:nbn:de:hbz:466:1-13578

dignitate careat, reamq; se diuino iudicio existere de perpetrata iniuitate cognoscet, & à Sacratissimo corpore & sanguine Dei & Domini nostri aliena fiat: atq; in extremo examine districtæ ultioni subiaceat. Cunctis autem eidem loco justa seruantibus sit pax Domini nostri Iesu Christi, quatenus & hic fructum bonæ actionis percipient, & apud districtum judicem præmia æternæ pacis inueniant, Amen. Datae *Aleſiodorj* per manum Gvidonis S. R. E. Diaconi Cardinalis & Cancellarij, Idus Augusti, Indict. X. Incarnati Domini, Anno MCXLVII. Pontificatus Domini Eugenij III. Papæ anno III.

Priuilegium Domini Clementis Papæ III.

Clemens Episcopus seruus seruorum Dei venerabilibus fratribus Ratispon. & Frisingen. Episcopis, salutem & Apostolicam benedictionem. Ex parte dilectorum filiorum Abbatis & Conuentus de *Aldersbach* in audientia fuit nostra propositum, quod nobilis vir *Albertus de Kam* jus aduocatiæ in monasterio & rebus eorum, licet frater ipsius presentiam illud amiserit, sibi per iniuriam nititur vendicare, cuius occasione eis dampna plurima & iniurias irrogare præsumit. Quocirca fraternitati vestræ per apostolica scripta mandamus, quatenus si verum est quod asseritur, militem memoratum ab corundem fratrum vexatione indebita compescatis, & vt ablata restituat, pro ut justum fuerit, cum per censuram Ecclesiasticam postposita appellatione compellatis. Datum *Laterani*, VII Idus Iulij, Pontificatus nostri anno primo.

Priuilegium Dni. Innocentij Papæ III.

Innocentius Episcopus seruus seruorum Dei. Dilectis filiis *Ludovice* Abbatii de Alderspach, eiusq; fratribus tam præsentibus quam futuris regularem vitam professis, in perpetuum. Religiosam vitam diligentibus apostolicum conuenit adesse præsidium, ne forte cuiuslibet temeritatis incurfus auctoritate proposito reuocet, aut robur, quod absit, sacræ religions infingat. Ea propter dilecti in Domino filij, vestris justis postulationibus clementer annuimus, & Monasterium Sanctæ Dei genitricis & virginis Mariæ, in quo diuino mancipati estis obsequio, sub Beati Petri & nostra protectione iuseipimus, & præsentis scripti Priuilegio communiuimus. In primis siquidem statuentes, vt ordo monasticus qui secundum Deum & Beati Benedicti regulam atq; institutum Cistertiensium fratrum in eodem monasterio institutus esse dinoscitur, perpetuis ibidem temporibus in uolabiliter obseruetur. Præterea qualcunq; possessiones quæcumque bona idem monasterium in præsentiarum justè & Canonice possidet, aut in futurum concessione Pontificum, largitione Regum vel Principum, oblatione fidelium, seu aliis justis modis præstante Domino adipisci poterit, firma vobis vestrisq; successoribus, & illibata permaneant. In quibus hæc propriis duimus exprimenda vocabulis. Locum ipsum in quo præfatum monasterium situm est, cum omnibus pertinentiis suis. Grangiam *Straßze*, Grangiam *Wifling*, Grangiam *Gumprechtingen*, Grangiam *Atzenperge*, Grangiam *Prennebach* & Grangiam *Gneusendorf*, possessiones quas habetis in *Revute*, in *Penzing*, in *Celle*, in *Batricksperge*, in *Kast*e, in *Cirknarn*, cum pratis, vineis, terris, nemoribus, vsuatiis, & pascuis, in *vosco* & *plano*, in *viis* & *semritis*, & omnibus aliis libertatibus & immunitatibus suis. Sane laborum vestrorum quos propriis manibus aut sumptibus colitis, tam de terris cultis quam incultis, siue de hortis & virgultis, & pisationibus vestris, vel de nutrimentis animaliū vestrorum nullus à vobis decimas exige

50
Controversiam

gere vel extorquere præsumat. Liceat quoq; vobis clericos vel Laicos liberos & absolutos è seculo fugientes ad conuersationem recipere, & eos absq; contradictione aliquaretinere. Prohibemus insuper, vt nulli fratum vestrorum post factam in monasterio vestro professionem phas sit, absque abbatis sui licentia de eodem loco discedere. Discedentem vero absq; communium literarum vestrarum cautione nullus audeat retinere. Quod si quis retinere præsumperit, licetum vobis sit in ipsis monachos vel conuersos regularem sententiam promulgare. Illud distictius inhibentis, ne terras seu quodlibet beneficium Ecclesiae vestrae collatum, liceat alicui personarum dari sive alio modo alienari absq; consensu totius Capituli vel maioris aut senioris partis ipsius. Si quæ verò donationes aut alienationes aliter quam dictum est, factæ fuerint, eas irritas esse censemus. Ad hæc etiam prohibemus, ne aliquis Monachus sive conuersus, sub professione vestrae domus astrictus, sine consensu & licentia Abbatis, & maioris partis Capituli vestri pro aliquo fidejubeat, vel ab aliquo pecuniam mutuo accipiat ultra pretium capituli vestri prouidentia constitutum, nisi propter manifestam domus vestrae utilitatem, quod si facere frater præsumperit, non teneatur Conuentus prohiis aliquatenus respondere. Licitum præterea sit vobis in causis propriis, sive ciuilem, sive criminalem contineant actionem fratrum vestrorum testimonii vti, ne præ defectu testium jus vestrum in aliquo valeat deperire. Insuper auctoritate Apostolica inhibemus, ne ullus Episcopus vel quælibet alia persona ad Synodos vel conuentus forenses vosit, vel judicio seculari de vestra propria substantia vel possessionibus vestris subiacere compellat: nec ad domos vestras causa ordines celebrandi, causa tractandi, vel aliquos conuentus publicos conuocandi venire præsumat: nec regularem electionem Abbatis vestri impedit, aut de instituendo vel remouendo eo, qui pro tempore fuerit contra statuta Cisterciensis ordinis se aliquatenus intromittat. Si verò Episcopus, in cuius parochia domus vestra fundata est, cum humilitate & deuotione, qua conuenit, requisitus, substitutum Abbatem benedicere, & alia quæ ad officium Episcopale pertinent, vobis conferre renuerit, licetum sit eidē Abbat, si tamen sacerdos fuerit, proprios nouitios benedicere, & alia quæ ad officium suum pertinent, exercere: & vobis omnia ab alio Episcopo percipere, quæ à vestro fuerint indebetē denegata. Illud adjicientes, vt in recipiēdis professionibus, quæ à benedictis vel benedicendis abbatibus exhibentur, ea sint Episcopi forma & expressione contenti, quæ ab origine ordinis noscitur instituta: vt scilicet Abbes ipsi salvo ordine suo profiteri debeant & contra statuta ordinis sui nullam professionem facere compellantur. Pro consecrationibus vero altarium vel Ecclesiarū, sive pro oleo sancto, vel quolibet alio ecclesiastico sacramento, nullus à vobis, sub obtentu consuetudinis vel alio modo quicquā audeat extorquere: sed hæc omnia gratis vobis Episcopus Dioceſan⁹ impendat. Alioquin liceat vobis quemcunq; volueritis Catholicum adire antifitē, gratiā & communionem apostolicā sedis habentem, qui nostra fretus auctoritate, vobis quod postulatis impendat. Quod si sedes Episcopivacauerit, interim omnia Ecclesiastica sacramenta à viciniis episcopis accipere libere & absque contradictione possitis, sic tamen vt ex hoc in posterum propriis Episcopis nullum præjudicium generetur: Quià verò interdum proprium Episcorum copiam non habetis, si quem Episcopum Romanæ sedis vt diximus, gratiam & communionem habentem, & de quo plenam notitiam habeatis, per vos transire contigerit, ab eo benedictiones vasorum & vestium, consecrations altarium, ordinationes monachorum auctoritate apostolicae sedis recipere valeatis. Porro si Episcopi vel alij Ecclesiarum rectores in monasterium vestrum vel personas ini-

bi constitutas suspensionis, excommunicationis vel interdicti sententiam promulgauerint, siue etiam in mercenarios vestros, pro eo quod decimas non soluitis, siue aliqua occasione eorum, quæ ab ipsa Apostolica benignitate vobis indulta sunt, seu benefactores vestros, pro eo quod aliqua vobis beneficia vel obsequia ex caritate praestiterint, vel ad laborandum adiuerint in illis diebus, quibus vos laboratis, & alij feriantur, eandem sententiam protulerint, ipsam, tanquam contra sedis apostolicae indulta prolatam, duximus irritandam. Nec literæ villam firmitatem habeant, quas tacito nomine Cisteriensis ordinis, & contrâ tenorem apostolicorum priuilegiorum constituerit impetrari. Præterea cum commune interdictum terræ fuerit, liceat vobis nihilominus in vestro monasterio exclusis excommunicatis & interdictis diuina celebrare. Paci quoque & tranquillitatì vestræ paterna in posterum sollicitudine prouidere volentes auctoritate apostolica prohibemus, ut infra clausuram locorum seu Granigiarum vestrarum nullus rapinam seu furtum facere, ignem apponere, sanguinem fundere, hominem temere capere, vel interficere, seu violentiam audeat exercere. Præterea omnes libertates & immunitates à prædecessoribus nostris Romanis Pontificibus ordini vestro concessas, nec non & libertates, & exemptiones secularium exactiōnum, à Regibus & Principibus vel aliis fidelibus rationabiliter vobis indultas auctoritate apostolica confirmamus, & præsentis scripti Priuilegio communimus. Decernimus ergo ut nulli omnino hominum liceat præfatum monasterium temere perturbare, aut eius possessiones auferre, vel ablatas retinere, minuere, seu quibuslibet vexationibus fatigare, sed omnia integra conseruentur, eorum pro quorum gubernatione ac sustentatione concepta sunt, vsibus omnimodis profutura. Salua sedis Apostolicae auctoritate. Si qua igitur in futurum Ecclesiastica secularisue persona hanc nostræ constitutionis paginam sciens contra eam temere venire temptauerit, secundo tertio commonita, nisi reatum suum congrua satisfactione correxerit, potestatis honorisque sui dignitate careat, reamque se diuino iudicio existere de perpetrata iniustitate cognoscat, & à sanctissimo corpore & sanguine Dei & Domini redemptoris nostri Iesu Christi aliena fiat, atque in extremo examine districte subiaceat yltioni. Cunctis autem eidem loco sua jura seruantibus fiat pax Domini nostri Iesu Christi, quatenus & hic fructum bonæ actionis percipient, & apud districtum judicem præmia æternæ pacis inuenient. Amen. Datum Rome apud Sanctum Petrum, permanum Raynaldi Domini Innocentij Papæ III. Acolyti & Capellani X. Kalend. Aprilis, Indictione II. Incarnationis Dominicæ anno M.CC. XIII. Pontificatus vero eiusdem Domini Innocentij anno septimo decimo.

Priuilegium Domini Friderici Imperatoris super
amotione aduocati.

FRIDERICVS diuina fauente clementia Romanorum, Imperator Augustus, in perpetuum. Quia nihil nebis adeò familiare est, sicut humanitas, eam ad omnes quidem, maximè tamen ob fauorem religionis, ad personas extendimus Ecclesiasticas. Inde est quod nos Venerabili Fr. Eberhardo Abbatii in Alderspach per sequentem Ecclesie sue iniurias, justitiae sue præbuimus audientiam. Conquestus